

Kommune Qeqertalimmi Utoqqarnut siunnersuisoqatigiinnut ileqqoreqqusat

Ateq

§ 1. Kommune Qeqertalimmi Utoqqarnut siunnersuisoqatigiit

Siunertaa

§ 2. Utoqqarnut siunnersuisoqatigiit siunertaraat kommunalbestyrelsimut utoqqarnut tunngasunik politikikkut apeqqutininut siunnersuisarnissaq aammalu innuttaasut kommunalbestyrelsillu akunnerminni najukkami politikikkut utoqqarnut apeqqutit pillugit isiginnittariaatsinik ingerlatitseqqittassallutik.

Utoqqarnut siunnersuisoqatigiit suliassaasa ilanngullugu siunertaraat:

- kommunimi utoqqarnut politikkimik ineriartortitseqataaneq nukittorsaanerlu
- kommunimi utoqqarnut pissutsit pillugit paasissutissiineq
- utoqqarnit kissaatit pisariaqartinneqartullu kommunalbestyrelsimut saqqummiullugit

Atuuffiit suliassallu

§ 3. Utoqqarnut siunnersuisoqatigiit suliniutit pillugit tusarniaasassapput, kommunimi utoqqarnut pingaarutilinnik.

Imm. 2. Utoqqarnut siunnersuisoqatigiit apeqqutit nalinginnaanerusut eqqartugassanngortitassavaat politikikkullu aamma allaffissornikkut suliniutinut siunnersuuteqartarlutik.

Imm. 3. Utoqqarnut siunnersuisoqatigiit utoqqarnut siunnersuisoqatigiit allat, suleqatigiiffiit allallu attaveqarfigisinnaavaat.

Imm. 4. Utoqqarnut siunnersuisoqatigiit kommunimi innuttaasut utoqqaat ataavartumik kommunimi suliniutit pingaarutilit pillugit ilisimatitsisassapput.

Imm. 5. Utoqqarnut siunnersuisoqatigiit ukiumoortumik nalunaarusiortassapput siunnersuisoqatigiit suliaat pillugit aammalu kommunalbestyrelsimut/ataatsimiititalianut ataavartunut siunnersuuteqartassallutik.

Imm. 6. Utoqqarnut siunnersuisoqatigiit ukiumut minnerpaamik sisamariarlutik naapittassapput imaluunniit oqarasuaatikku/videokku ataatsimiittassallutik.

Imm. 7. Utoqqarnut siunnersuisoqatigiit inunnut ataasiakkaanut pissutsit ilanngullugit qinnuteqaatit, suliat inunnut tunngasut imaluunniit naammagittaalliutit nalinginnaasut pillugit apeqqutinik suliaqartassanngillat.

Imm. 8. Utoqqarnut siunnersuisoqatigiit aalajangiisinnaassuseqanngillat.

Siunnersuisooqatigiit katitigaanerat piumasaaqatillu

§ 4. Utoqqarnut siunnersuisoqatigiinnut ilaasortat tallimat toqqarneqassapput. Ilaasortanut tamanut sinniisussaq ataaseq marlullu qinerneqartut tulleriinneri malillugit toqqarneqassapput.

- Aasianni ilaasortat marluk sinniisussaalu qinerneqassasut
- Kangaatsiami ilaasortaq ataaseq sinniisussaalu qinerneqassasut
- Qasigiannuani ilaasortaq ataaseq sinniisussaalu qinerneqassasut
- Qeqertarsuarmi ilaasortaq ataaseq sinniisussaalu qinerneqassasut

Imm. 2. Ilaasortaq toqussagaluarpat tunuassagaluarpalluunniit qinigaaffimmi sinniisussat tulleriiaarneri malillugit toqqarneqarlutik isissapput.

Imm. 3. Utoqqarnut siunnersuisoqatigiinni ilaasortaq imaluunniit sinniisoq kommunimiit nuuppat Utoqqarnut siunnersuisoqatigiit piffissaq atuuffiat naatinngu, pineqartoq Utoqqarnut siunnersuisoqatigiinnit tunuassaaq.

Imm 4. Utoqqarnut siunnersuisoqatigiit ukiuni sisamani atuuffeqassapput, taamaattoq ilaasortat atuutissapput ilaasortanik nutaanik qinersisoqarnissaata tungaanut.

Imm. 5. Utoqqarnut siunnersuisoqatigiinni ilaasortaaneq kajumissutsimik ingerlanneqartoq aningaasarsiaqaataanilu.

Utoqqarnut siunnersuisoqatigiinnut qinersineq

§ 5. Kommunalbestyrelsip utoqqarnut siunnersuisoqatigiinnut ukiut sisamakkaarlugit qinersisoqarnissaa isumagissavaa.

Imm. 2. Innuttaasut kommunimi najugallit tamarmik qinerneqarsinnaapput taasisinnaallutillu, ullormi qinersiffimmi 60-inik ukioqalereersimasut.

Imm. 3. Qinigassanngortittut minnerpaamik qulinit qinigassanngortitsisoqassapput, qinerneqarsinnaanermut piunasaqaatinik naammassinnittut. Qinigassanngortitsisut ateq, najugaq inuuffillu allassavaat. Qineqqusaartunut arlalinnut qinigassanngortitsisuuqarsinnaangilaq.

Imm. 4. Taasinermi naligiittoqartillugu qinigassanngortittut akornanni makitsisoqassaaq, assigiimmik qinerneqartuni.

Imm. 5. Inissitsiterinermi qinersinermilu inatsisit kommunalbestyrelsip Utoqqarnut siunnersuisoqatigiit suleqatigalugit aalajangersassavaat.

Utoqqarnut siunnersuisoqatigiit suleriaasissaat

§ 6. Kommunalbestyrelse Utoqqarnut siunnersuisoqatigiinnut qinersisoqareernerani ataatsimiinnissamut siullermut ataatsimiigaaqussissaaq.

Imm. 2. Utoqqarnut siunnersuisoqatigiit nammineerlutik inissitsitsissapput siulittaasoqarlutik siulittaasumullu tullegarlutik.

Imm. 3. Utoqqarnut siunnersuisoqatigiit suleriaasertik nammineerlutik aalajangersassavaat.

Aaqqissuussineq allaffissornikkut suliassat isumaginnineq

§ 7. Utoqqarnut siunnersuisoqatigiit Ataatsimiititaq INUIT ataanni aaqqissuussaavoq.

Imm. 2. Kommunalbestyrelsip init ataatsimiiffissat, attaveqatigiinnermi atortut, oqalutseqarneq nutserisoqarnerlu isumagissavai kiisalu allaffissornikkut suliassat oqaluuserisassanut nassiullugit, Utoqqarnullu siunnersuisoqatigiit ataatsimiinnissaannut ilanngussat imaqarniallu.

Suleqatigiinneq oqaloqatigiinnerlu

§ 8. Siunnersuisoqatigiit ataatsimiinneranni imaqarniliat Ataatsimiititaliaq INUIT-nut ilisimatitsissutitut nassiuuneqartassapput.

Imm. 2. INUIT-nut ingerlatsivimmi isumagineqassaaq, ingerlatsiviit attuumassutillit Utoqqarnut siunnersuisoqatigiit suliaannut malitseqartitsinnermi peqataatinneqartassasut.

Imm. 3. Ataatsimiititaliaq INUIT ukiumoortumik Utoqqarnut siunnersuisoqatigiinnut killiffilersuilluni ataatsimiinnissamut aggersaasassaaq.

Nipangersimasussaataaneq

§ 9. Utoqqarnut siunnersuisoqatigiinnut ilaasortaq nipangersimasussaataapput, sulinerminni sulianut inunnut tunngasunik ilisimasaqarunik, imalunniit pisortat susassaarfii pillugit, isertuunneqartussatut isigineqartut.

Imm. 2. Nipangersimasussaataaneq unittanngilaq ilaasortaq siunnersuisoqatigiinnit tunuarnerani.

Ileqqoreqqusanik allannguneq aamma atuutsitsilerneq

§ 10. Ileqqoreqqusanik allannguisoqartinnagu Utoqqaat pillugit Siunnersuisoqatigiit tusarneqaaqqartussaapput.

§ 11. Utoqqaat pillugit Siunnersuisoqatigiinnut ileqqoreqqusat atuutilersinneqassapput Kommunalbestyrelsimiit akuersissutigineqareepata.

Imm. 2. Ilutigitillugu Kommune Qeqertalimmi Utoqqaat pillugit Siunnersuisoqatigiit pillugit ileqqoreqqusaq 18. september 2019-meersoq atorunnaarpoq.